

Fundargerð 14. fundar

Föstudaginn 16. október 2020 var haldinn 14. fundur verkefnishóps um Sveitarfélagið Suðurland.

Fundurinn var haldinn í fjarfundi í gegnum Zoom.

Fundinn sátu:

- Anton Kári Halldórsson, formaður
- Ágúst Sigurðsson
- Ásta Berghildur Ólafsdóttir
- Björk Grétarsdóttir
- Christiane L. Bahner
- Egill Sigurðsson
- Einar Freyr Elínarson
- Eva Björk Harðardóttir
- Lilja Einarsdóttir
- Margrét Harpa Guðsteinsdóttir
- Sandra Brá Jóhannsdóttir
- Valtýr Valtýsson
- Þorbjörg Gísladóttir

Arndís Harðardóttir og Páll Tómasson boðuðu forföll.

Auk kjörinn fulltrúa sátu fundinn Róbert Ragnarsson og Jón Hrói Finnsson, verkefnisstjórar.

Jón Hrói ritaði fundargerð.

Formaður setti fund kl. 7.30

Dagskrá:

1. Fundargerð síðasta fundar

Fundargerð 13. fundar var borin upp og samþykkt án athugasemda.

2. Íbúafundir

Rætt um stöðu undirbúnings íbúafunda og skipulag þeirra.

Jón Hrói og Róbert fóru yfir kynningargögn sem verið er að vinna að og fundarmenn bentu á mögulegar við- og úrbætur.

Lilja benti á að koma þurfi vel á framfæri að formlegar viðræður séu ekki hafnar og að vinnan snúist um að ákveða hvort þær skuli hafnar eða ekki. Hægt að gera með merkingu á glæru um tímalínu sameininga og mikilvægt að fyrirlesari segi þetta skýrt og skiljanlega. Eins er mikilvægt að þetta sé sagt í umræðu um síðustu glærurnar um næstu skref.

Bent var á að koma þurfi á framfæri möguleikanum á að einhver sveitarfélaganna samþykki að halda áfram viðræðum og önnur ákveði að hætta viðræðum.

Umræður um spurningar til vinnuhópa. Spurt var hvort æskilegt væri að spurning um viðhorf til áframhaldandi viðræðna væru settar fram í lok fundar að umræðum loknum. Ákveðið að halda þeirri röð sem lögð var til í upphafi.

Spurningarnar eru þessar:

1. Eiga sveitarfélögin fimm að halda áfram viðræðum og leyfa íbúum að kjósa um sameiningu þeirra?
2. Hvað ber að varast í sameiningarferlinu?
3. Hvað viljum við varðveita?
4. Hvaða tækifæri liggja í sameiningu sveitarfélaganna?

Spurningar nr. 1 verður aðeins spurt í fyrstu umferð.

Sandra benti á að gott væri að spyrja í lok fundar hvort einhver svör vanti eða hvort eitthvað hafi ekki komið fram. Bent verður á möguleika á að koma ábendingum og spurningum til verkefnisstjórnar á heimsíðu verkefnisins.

Jón Hrói og Róbert raða fulltrúum í starfshópa og senda röðunina til fulltrúa.

Rætt um að finna þurfi leiðir til að hafa samráð við ungt fólk í sveitarfélögunum. Ákveðið að halda fund með fulltrúum í ungmennaráðum sveitarfélaganna og fulltrúum þeirra í ungmennaráði Suðurlands.

3. Viðhorfskannanir

Jón Hrói kynnti drög að spurningum. Spurningarnar sem unnið er út frá eru:

1. Ert þú hlynnt(ur) eða andvíg(ur) því að sveitarfélagið þitt sameinist öðru sveitarfélagi eða sveitarfélögum?
2. Ef sveitarfélagið þitt ætti að sameinast öðru sveitarfélagi, hvaða sveitarfélag eða sveitarfélög finnast þér helst koma til greina?
3. Ert þú hlynnt(ur) eða andvíg(ur) því að Ásahreppur, Rangárþing ytra, Rangárþing eystra, Mýrdalshreppur og Skaftárhreppur taki upp formlegar sameiningarviðræður sem enda með íbúakosningu?

Rætt um það hvort hægt sé að spyrja spurninga um það hvort viðkomandi hafi kynnt sér efni sem orðið hefur til í starfi verkefnahópanna og mætt á íbúafundi. Jón Hrói ber eftirfarandi spurningar undir sérfræðinga Zenter.

- Hefurðu fylgst með vinnu vinnuhópsins?
- Hefur þú kynnt þér efni verkefnishópsins?
- Mættir þú á íbúafund?

Mikilvægt er að könnunin verði kynnt vel og íbúar hvattir til þátttöku.

4. Generalprufa fjarfundar

Kynningarfulltrúar mættu á fundinn. Haldin var generalprufa fyrir íbúafund.

5. Næstu fundir verkefnishóps

Ákveðið að næstu fundum verkefnishópsins verði fjarfundir þann 23. október nk. kl. 7:30-9:00 til að ræða drög að viðhorfskönnun og 30. október til að fara yfir samantekt á niðurstöðum íbúafunda.

Formaður sleit fundi kl. 09:10.